

Sämikielâ stivrimjuávkku

Äigi 13.9.2022 klo 12.30

Päikki Ucjuv kieldâtáálu, Luossatie 1, Ucjuhâ /Teams

Mieldi saavâjodetteijee Niittyvuopio-Valle Laura (Kuáv)
Niittyvuopio Anni-Sofia (Čiž)
Keskitalo Pigga (Kuáv)
Tapiola Uula (Kuáv)
Aikio Ara (SDP)
Lukkari Sammol (Kok)
Mikkola Juha-Pekka (VS)
Anna-Katariina Feodoroff (Nuorttâlij sijdâčuákkim)
Marko Tervaniemi (Sämitigge)
Klemetti Näkkäljärvi (Sämitigge)
Terhi Harju (Sämitigge)
Petra Magga-Vars (Sämitigge)
Ristenrauna Magga (Sämitigge)

Tuuli Miettunen, Sämikielâlij palvâlusâi já kielâlij vuoigâdвуоđâi äššitobdee / čällee

Ääših §:t 1-10

Vuáláčáálluseh

saavâjodetteijee

čällee

Äššilisto

Äššilisto

- 1§ Čuákkim lavâlâšvuotâ já meridemváldálâšvuotâ
- 2§ Pevdikirje tärhisteijee valjim
- 3§ Pargo-oornig tuhhiitem
- 4§ Sämikielâ stivrimjuávhu pargoh já toimâväldi
- 5§ Sämikielâliih palvâlusah organisaatioráhtusist
- 6§ Kejâstâh Laapi pyereestvaijeemkuávlu sämikielâláid palvâlussáid kyeskee valmâštállâm ovdánmân
- 7§ Sämikielâlij sosiaal- já tiervâšvuotâpalvâlusâi turviimân väridum staatâišeruudâ kevttimulmeh ive 2023
- 8§ Sämikielâ stivrimjuávhu čuákkimäigitavlu já čuákkimvuáhádâh
- 9§ Eres ääših
- 10§ Čuákkim lopâtem

**Sämikielâ stivrimjuávkku
Äššilisto**

1§ Čuákkim lavâlâšvuotâ já meridemvâldâlâšvuotâ

Sämikielâ stivrimjuávkku 1 § 9.6.2022

142 § Toimâorgaan meridemvyevih

Toimâorgaan puáhtá kiedâvuššâđ ääši eidusii čuákkimistis, mast čuákkim uásálisteeh láá miel di čuákkimsaajeest. Eidusii čuákkimist pyehtih kevttiđ šleđgâlii äššihaldâšem- teikâ jienâstemvuáhâdov. Muulsâiävtulávt pyehtih čuákkimistiđ šleđgâlii toimâmpirrásist, moos uásivâldeeh uásálisteh šleđgâlii ohtâvuodáin (šleđgâlâš čuákkim). Toimâorgaan puáhtá meiddei toohâđ miärádâsâid kiddâdum šleđgâlii meridemmonâttâlmist ovdil čuákkim (šleđgâlâš meridemmonâttállâm). Kuávlustivrâ teikâ virgehaldâšeijee, kiäm tot lii nomâttâm, västid, ete teknisiih piergâseh, vuáhâdovah já tiätujotolâhohtâvuodah, maid šleđgâlii čuákkimáid já šleđgâlii meridemmonâttâlmân taarbâš, láá ääigitásásiih já tiätutorvoliih vuovijn, maid laavah väätih.

143 § Šleđgâlâš čuákkim

Toimâorgaan puáhtá čuákkimistiđ šleđgâlávt. Kiddâdum šleđgâlii čuákkimân puáhtá uásálistiđ tuše taggaar saajeest, mast syeligâsâst toollâmnáál tiäđuid já čuákkim savâstâlmijd iä pyevti ulguupiäláliih kuullâđ ige uáiniđ.

145 § Čuákkimäigi já -saje

Toimâorgaan meerrid čuákkimijdis ääigi já saje. Čuákkim tuálloo meiddei, jis saavâjođetteijee ana čuákkim taarbâšlâžžân teikâ eenâbloho toimâorgaan jesânijn taha saavâjođetteijei iävtuttâs čuákkimistmist almottum ääši kiedâvuššâm tiet. Talle saavâjođetteijee meerrid čuákkimääigi. Saavâjođetteijee puáhtá agâstállum suujâst maassâdkeessiđ čuákkim.

146 § Čuákkimpovdiittâs

Čuákkimpovdiittâs addel saavâjođetteijee teikâ jis sun lii iästulâš te vârisaavâjođetteijee. Čuákkimpovdiittâsâst kalga almottiđ čuákkim ääigi já saje sehe aasijđ, moh láá kiedâvuššâmnáál. Čuákkimpovdiittâsâst kalga muštâliđ, maid toimâorgaan meridemvuovijd mon-uv ääši peht kyerih. Jis ääši kiedâvušeh šleđgâlii meridemmonâttâlmist, kalga povdiittâsâst almottiđ, mon räi ääši kalga kiedâvuššâđ šleđgâlávt. Äššilisto, mii siskeeld čielgim aasijn, moh láá kiedâvuššâmnáál já iävtuttâsâid toimâorgaan miärádâssân, vuolgâttuvvoo čuákkimpovdiittâs miel di. Eromâš suujâst äššilisto teikâ ovtâskâs ääši čielgim já miärádâsiävtuttâs pyehtih vuolgâttiđ maŋeláá. Äššilisto lahtosijđ já miäldusmateriaal vuolgâtteh äššilisto fáarust kuorâttállâm miel di, ko árvuštâleh toimâorgaan jesânij tiäđu-uázžumtáarbuid. Jis äššilistoost, lahtosijn teikâ miäldusmateriaalist láá tiäđuh, maid kalga toollâđ syeligâsâst, äššiliiston čálloo tiätu syeligâsstolâmist.

Čuákkimpovdiittâs vuolgâttuvvoo jesânáid já iärásáid, kiäin lii miel diorroomvuogâdovuotâ teikâ -kenigâsovuotâ, vuovijn, mon toimâorgaan

Sämikielâ stivrimjuávku**Äššilisto**

meerrid. Sämikielâ lävdikode čuákkimpovdiittâsah já äššilistoh vuolgáttuvvojeh suomâkielân já sämikieláid.

147 § Šleđgâlâš čuákkimpovdiittâs

Čuákkimpovdiittâs, äššilisto, lahtosijd já miäldusmaterial pyehtih vuolgáttid šleđgálávt. Talle kuávlustivrâ teikâ virgehaldâšeijee, kiäm tot lii nomâttâm, västid tast, ete teknisiih piergâseh, vuáháduvah já tiätujotolâhohtâvuođah, maid taas taarbâš, láá kevttimnáál.

Laahâ pyereestvaijeemkuávlust 108 § 2-3 mom: Eres toimâorgan ko kuávluváldustivrâ lii meridemváldálâš, ko paijeel peeli jesâniijn láá mielidi. Mielidi orroon annojeh meiddei toh toimâorgan jesâneh, kiäh uásálisteh čuákkimân šleđgálávt.

lävtuttâs

Sämikielâ stivrimjuávku

Saavâjođetteijee paahud mielidi orroid sehe čuákkim lavâlâšvuođâ já meridemváldálâšvuođâ.

2§ Pevdikirje tärhistejee valjim
Sämikielâ stivrimjuávkku**Sämikielâ stivrimjuávkku 2 § 13.9.2022**

Laapi pyereestvaijeemkuávlun haldâttâhnuolgâdâs 166 § mild pevdikirje tolâmist já siskáldâsâst västid toimâorgan saavâjođetteijee. Jis saavâjođetteijee já pevdikirjetuálee iävâ lah siämmáá uáivilist čuákkim joođoost, čálloo pevdikirje saavâjođetteijee uáinu mielâ. Pevdikirje vuáláčáálá saavâjođetteijee já nannee pevdikirjetuálee. Pevdikirje tärhisteh vuovijn, mon toimâorgan lii meridâm. Pevdikirje pyehtih vuáláčäälliđ já tärhistid šledgâlâvt.

Sämikielâ stivrimjuávkun väljeh oovtâ pevdikirjetärhistejee.

lävtuttâs

Sämikielâ stivrimjuávkku väljee pevdikirjetärhistejee.

Sämikielâ stivrimjuávkku
Äššilisto

3 § Pargo-oornig tuhhiitem

Sämikielâ stivrimjuávkku 3 § 13.9.2022

- 1§ Čuákkim lavâlâšvuotâ já meridemvâldâlâšvuotâ
- 2§ Pevdikirje târhisteijee valjim
- 3§ Pargo-oornig tuhhiitem
- 4§ Sämikielâ stivrimjuávhu pargoh já toimâväldi
- 5§ Sämikielâliih palvâlusah organisaatoráhtusist
- 6§ Kejâstâh Laapi pyereestvaijeemkuávlâ sämikielâlâid palvâlussáid kyeskee valmâštállâm ovdánmân
- 7§ Sämikielâlij sosiaal- já tiervâšvuotâpalvâlusâi turviimân väridum staatâišeruudâ kevttimulmeh ive 2023
- 8§ Sämikielâ stivrimjuávhu čuákkimäigitavlu já čuákkimvuáhádâh
- 9§ Eres ääših
- 10§ Čuákkim lopâtem

**Sämikielâ stivrimjuávku
Äššilisto**

lävtuttâs

Sämikielâ stivrimjuávku tuhhit äššilisto miäldásii pargo-oornig.

Sämikielâ stivrimjuávku
Äššilisto**4§ Sämikielâ stivrimjuávhu pargoh já toimävöldi**

Laapi pyereestvaijeemkuávlun stivrâ 17.8.2022, 212 §

212§ Sämikielâ lävdikode čuákánpieijâm/sämikielâ stivrimjuávhu asâtem
Laapi pyereestvaijeemkuávlun kuávlustivrâ 16.6.2022 146 §

Čielgim

Vt. pyereestvaijeemkuávlunjođetteijee 10.6.2022

Kuávlunväldustivrâ lii 2.3.2022 § 10 asâttâm sämikielâ lävdikode já valjim lävdikoodán čuávuváid jesânijd já värijesânijd:

Jeessân	Värijeessân
Sj. Niittyvuopio-Valle Laura (Kuáv)	Lehtola Minna (Kuáv)
Vsj. Niittyvuopio Anni-Sofia (Čiž)	Ahlakorpi Anni (Čiž)
Sutela Anna-Maria (Kuáv)	Keskitalo Pigga (Kuáv)
Tapiola Uula (Kuáv)	Kiprianoff Hanna (Kuáv)
Aikio Ara (SDP)	Aikio Mika (SDP)
Lukkari Sammola (Kok)	Guttorm Väinö (Kok)
Mikkola Juha-Pekka (VS)	Franssi Ari (VS)

Lasseen kuávlunväldustivrâ meridij ei. pivedeđ sämitigge nomâttiđ lävdikoodán vittâ jeessân já nuorttâlâšlaavâ 42 §:st uáivildum sijdâčuákkim oovtâ jeessân.

Njellim-Kiävääjävri já Njiävđám kuávlun nuorttâlâšrääđih lává 12.4.2022 nomâttâm sämikielâ lävdikoodán

jeessân	värijeessân
Anna-Katariina Feodoroff	Heini Wesslin

Nuorttâlâšlaavâ 45 § mielđ sijdâčuákkimist kiedâvuššâmnaál aášij valmâštâlmist já sijdâčuákkim miärdâsâi olâšutmist huolâttává Njiävđám já Njellim-Kiävääjävri kuávlun nuorttâlâšrääđih.

Nuorttâlâšrääđij pargon lii adelid čuákkámušâid virgeomâháid sijdâčuákkimist kiedâvuššâmnaál aášijn talle, ko äšši lii huápulâš ijge sijdâčuákkim pyevti finniđ ääigild čuákán kiedâvuššâđ ääši.

Sämitigge lii 13.4.2022 nomâttâm sämikielâ lävdikoodán čuávuváid jesânijd já värijesânijd.

jeessân	värijeessân
Marko Tervaniemi	Iiris Mäenpää
Klemetti Näkkäljärvi	Anne Maria Näkkäljärvi
Terhi Harju	Tauno Ljetoff
Petra Magga-Vars	Inga Koivisto
Ristenrauna Magga	Pirita Näkkäljärvi

Nisonij já almai koskâsii täsiárvust adelum laavâ 4 a § mielđ pyereestvaijeemkuávlun, pyereestvaijeemovtâstume já pyereestvaijeemkuávlun koskâsii ohtsâštoimâm toimâorganiijn, eereeb kuávlunväldustiivrâin, kalgeh leđe sehe nisonih já almaah kuábbááh-uv ucemustáá 40 prosenttid, jis mottoom eromâš suujâst ij šoodâ eresnáál.

Laavâ miäldâsâš suhâpelitiätumeeri kalga olâšud sehe eidusij já värijesânij puotâ. Kuittâg laahâ ij vaadâ,

Sämikielâ stivrimjuávkku**Äššilisto**

ete eidusâš jeessân já suu persovnlâš värijeessân kolgáččáin leđe siämmáá suhâpele. Vátámâš ij meiddei kuoskâ sierâ saavâjođetteijeid.

Kuávluváldustivrâ meridij 6.6.2022 § 69 macâttiđ sämikielâ lävdikode jesânij já värijesânij valjimijd valmâštállâmnaál ei. tondiet, ete iävtuttum čuákánpieijâm ij lah täsiárvulaavâ miäldásâš. Ko toimâorgaan jeessânmeeri lii 13, kalgeh sehe nisoneh já almaah leđe kuábbááh-uv ucemustáá kuudâs. Jis jeessânmeeri lii 12, kalgeh sehe nisoneh já almaah leđe kuábbááh-uv ucemustáá viidâs. Tääi eidusijn jesânij láá kuttâ almaa já čiččâm nisonid, mutâ värijesânij tuše nelji almaa já joba oovce nisonid. Sämitigge já sijdâčuákkim lává nomâttâm värijesânin ohtsis tuše oovtâ almaa, nuuvt ete lii agâstállum táttuđ kiedâvuššâđ taid noomâtmijd uđđâsist.

lävtuttâs

Vt. pyereestvaijeemkuávlujodetteijee

Kuávlustivrâ meerrid táttuđ sämitige já nuorttâlâšlaavâ 42 §:st uáivildum sijdâčuákkim kiedâvuššâđ uđđâsist iävtuttâsâidis sämikielâ lävdikoodán jesânin já värijesânin valjimnáál ulmuin nuuvt, ete iävtuttâs lii täsiárvulaavâ miäldásâš.

lästuliih

Kiedâvuššâm

Miäradâs

Tuhhiittui.

Lasetiäđuh

Vt. pyereestvaijeemkuávlujodetteijee Jari Jokela

p 040 5323 998

jari.jokela@lapha.fi

Laapi pyereestvaijeemkuávlun kuávlustivrâ 17.8.2022 § 212

Čielgim

Sämikielâlij palvâlusâi já kielâlij vuoigâdvuodâi äššitobdee sehe haldâttâhlahâolmooš 12.8.2022

Sämitigge lii kiedâvuššâm uđđâsist jieijâs iävtuttâs sämikielâ lävdikode jesânin čuákkimstis 23.6.2022.

Sämitigge lii nomâttâm lävdikode jesânin já värijesânin:

Jeessân	Värijeessân
Marko Tervaniemi	Iiris Mäenpää
Klemetti Näkkäljärvi	Anne Maria Näkkäljärvi
Terhi Harju	Tauno Ljetoff
Petra Magga-Vars	Mathis Ole Vars
Ristenrauna Magga	Pirita Näkkäljärvi

Nuorttâlij sijdâčuákkim lii almottâm Laapi pyereestvaijeemkuávlun reiváin 11.8.2022, ete sijdâčuákkim ij molso sii nomâttâm jesânijd tâi värijesânijd. Uđđâ noomâtmij maŋa lävdikode jesânij čiččâmâs láá nisoneh, kuudâs almaah. Värijesânij käävcis láá nisoneh, viidâs almaah. Värijesânij uásild lävdikode čuákánpieijâm ij lah täsiárvulaavâ miäldásâš.

Sämikielâ stivrimjuávkku**Äššilisto**

Labdoseh

Reivâ Laapi pyereestvaijeemkuávlusämikielâ lävdikodde 11.8.2022

Pevdikirjevááldus Sämitigge 23.6.2022 § 12

lävtuttâs

Vt. pyereestvaijeemkuávlujodetteijee

Kuávlustivrâ meerrid

1. vuáđudiđ sämikielâlij palvâlusâi valmâštállâm toorjân stivrimjuávhu;
2. nomâttiđ stivrimjuávhu sämikielâ lävdikode eidusâš jesânin taan räi nomâttum ulmuid já saavâjodetteijen sämikielâ lävdikode saavâjodetteijee;
3. ete stivrimjuávkun iä taan muddoost nomâttuu värijesâneh, ko värijesânij uásild stivrimjuávkku ij liččii täsiárvulaavâ miäldásâš;
4. ete stivrimjuávkku tuáimá valmâštállâm toorjân tassaaš, ko sämikielâ lävdikoodán puáhtá valjiđ jesânijd já värijesânijd kuávluváldustiivrâ miärdâssáin;
5. ete čuákkimpäälhih já eres luáttámušulmui ekonomâliih hiäđuh stivrimjuávhu čuákkimijn máksojeh siämmái vuáđustâsâi mielđ ko sämikielâ lävdikode čuákkimijn;
6. táttuđ váldustivrâjuávhuid já/tâi piäláduvâi pirrádâhornijduumijd ráđádálláđ sämitiggijn já nuorttâlij sijdáčuákkimáin toimâorgan čuákánpieijâmist.

Miärdâs

Tuhhiittui.

lävtuttâs: Sämielâ stivrimjuávkku merkkee sämikielâ stivrimjuávhu pargoid tiättun.

**Sämikielâ stivrimjuávkku
Äššilisto**

5§ Sämikielâliih palvâlusah organisaatoráhtusist**Sämikielâ stivrimjuávkku 5§ 13.9.2022.**

Sämikielâlij palvâlusâi já kielâlij vuoigâdvuodâi äššitobdee Tuuli Miettunen 13.9.2022

Laapi pyereestvaijeemkuávlun organisaatoráhtus láá valmâštállâm kiiđâ 2022 rääjist. Laavâ sosiaal- já tiervâsvuotâtipso orniimist 612/2021 5 § já säämi kielâlaavâ 1086/2003 mielđ äššigâsâst lii vuoigâdvuotâ uázžuđ palvâlem Laapi pyereestvaijeemkuávlust sämikielân. Lasseen Laapi pyereestvaijeemkuávlust lii laavâ sosiaal- já tiervâsvuotâtipso orniimist 33 § mielđásâš pargo tuárjuđ sämikielâlij sosiaal- já tiervâsvuotâtipso palvâlusâi ovdedem ubâ staatâst. Laapi pyereestvaijeemkuávlun valmâštálmist láá tubdâm táárbu väldiđ vuotân sämikielâlijd palvâlusâid já väldikodálij ovdedem torjuu pargo organisaatoráhtusist sehe ovdedempalvâlusâin ete sosiaal- já tiervâsvuotâpalvâlusâin, eromášávt tave palvâlemkuávlun uásild.

lävtuttâs: Sämikielâ stivrimjuávkku savâstâl valmâštállâm toorjân vuolgâttemsavâstállâm tast, maht sämikielâliih palvâlusah já ovdedem torjuu pargo sajadueh organisaatoráhtusân.

Sämikielâ stivrimjuávku
Äššilisto

6§ Kejâstâh Laapi pyereestvaijeemkuávlu sämikielâláid palvâlussáid kyeskee valmâštállâm ovdánmân

Sämikielâ stivrimjuávku 13.9.2022 6§

Sämikielâlij palvâlusâi já kielâlij vuoigâdvođâi äššitobdee Tuuli Miettunen puáhtá ovdân sämikielâláid palvâlussáid kyeskee valmâštállâm tile.

lävtuttâs: Sämikielâ stivrimjuávku merkkee kejâstuv tiättun.

Sämikielâ stivrimjuávkku**Äššilisto****7§ Sämikielâlij sosiaal- já tiervâsvuotâpalvâlusâi turviimân väridum staatâišeruudâ kevttimulmeh ive 2023**

Sämikielâlij palvâlusâi já kielâlij vuoigâdвуođâi äššitobdee Tuuli Miettunen 13.9.2022

Staatâ budjetist sosiaal- já tiervâsvuotâministeriö haldättâhsyergist lii lamaš ive 2002 räajist väridum staatâišeruttâ sämikielâlij sosiaal- já tiervâsvuotâpalvâlusâi turviimân sämmilij päikkikuávlust (mom. 33.60.36.). Staatâišeruttâ vuáđuduvá sosiaal- já tiervâsvuotâministeriö čielgiittâsân kielâlij ucceeblovoi máhđulâšvuođâin uázžuđ palvâlusâid jieijâs kielân. Čielgiittâs iävtuttâs mielđ sämikielâlij palvâlusâi turvim vaađâi väridum staatâuási eromâš tiilij tiet. Täst čuávui, ete sosiaal- já tiervâsvuotâministeriö iävtuttij väldiđ staatâ ive 2002 budjetân sierâ staatâišeruudâ sämikielâlij sosiaal- já tiervâsvuotâpalvâlusâi turviimân sämmilij päikkikuávlust. Staatâ ive 2022 budjet mielđ meriruudâ uázžu kevttiđ staatâišeruudâ máksimân Sämitige peht Sämitiggeest adelum laavâ (974/1995) 4 §:st uáivildum sämmilij päikkikuávlust kieldâid sämikielâlij sosiaal- já tiervâsvuotâpalvâlusâi turviimân já oovdedmân. Tooimâ ulmen lii turviđ sämikielâlij sosiaal- já tiervâsvuotâpalvâlusâi finnimvuođâ. Ive 2022 meriruttâ lâi 562.000 eurod. Sämitige sosiaal- já tiervâsvuotâlävdikodde lii 15.6.2022 táttum Laapi pyereestvaijeemkuávlust târkkilistum iävtuttâsâid sämikielâlij sosiaal- já tiervâsvuotâpalvâlusâi turviimân já oovdedmân uáivildum meriruudâ kevttimist ihân 2023 oovtâst budjetijgijn 3.10.2022 räi (LAHTOS 1). Sämikielâlij sosiaal- já tiervâsvuotâpalvâlusâi turviimân já oovdedmân uáivildum meriruudâin kieldah láá ornim ive 2022 čuávuvâid palvâlusâid:

länudâh

Sämikielâlâš päikki-išedeijee Veahkki
Sämikielâlâš aldatipšoo/päikki-išedeijee
Sämikielâlâš tiervâsvuotâtipšoo
Sämikielâlâš ovdâsvástâđâstipšoo, Muonio sengâuásâdâh

Aanaar

Nuorttâlâškielâlâš päikkipalvâlempargee Čevetjäävri kuávlun
Orjâlâškielâlâš päikkipalvâlempargee Tave-Aanaar kuávlun
Sämikielâlâš aldatipšoo, Männikkö palvâlempäikki, uásâdâh Mustikka
Sämikielâlâš aldatipšoo, Männikkö palvâlempäikki, uásâdâh Hilla-Puolukka
Sämikielâlâš aldatipšoo, Avveel tiervâsvuotâkuávdâš
Nuorttâlâškielâlâš sijđâpargee Čevetjäävri-Njiävđâm kuávlun
Sämikielâlâš sijđâpargee Tave-Aanaar kuávlun
Sämikielâlâš sijđâpargee Maadâ-Aanaar kuávlun
Sämikielâlâš psykogeriatisâš pyeceitipšoo

Suáđigil

Sämikielâlij vuorâsij päikkítipšo palvâlusâi ornim (aldatipšoo)
Sämikielâlii sijđâpargee palvâlusâi ornim

Ucjuuhâ

Sämikielâlâš tipšompargee, Kärigâsnjargâ
Išedeijee-Aslak-toimâ, Ucjuuhâ
Išedeijee-Aslak-toimâ, Kärigâsnjargâ

Sämikielâ stivrimjuávkku**Äššilisto**

Sämikielâlâš tipšompargee, Ucjuuhâ-Njuárgám
Sämikielâlâš toimâstivrejejee
Sämikielâlâš tiervâsvuotâtipšoo/päikkipyecceitipšoo
Sämikielâlâš psykiatrisâš pyecceitipšoo

Aanaar kieldâ nuorttâlâškielâliih pargeeh láá alda iäláttâhave já lii máhđulâš, ete sij pääccih iäláttâhân ive 2023 ääigi.

Ucjuv sämikielâlâš psykiatrisâš pyecceitipšoo lii virgerijjâst.

lävtuttâs: Sämikielâ stivrimjuávkku 13.9.2022 iävtut kuávlustiivrân, ete

- 1) kuávlustivrâ iävtuttiččij Sämitiigán, ete sämikielâlij sosiaal- já tiervâsvuotâpalvâlusâi turviimân já oovdedmân uáivildum meriruudâin turviiččii ive 2023 taid palvâlusâid, maid kieldâin láá tain meriruudâin ive 2022 ornim
- 2) Ucjuv sämikielâlii psykiatrisii pyecceitipšoo virgerijjâ ääigi suu päkkikoloid väridum meriruudâ kiävtáččii sämikielâlii pyecceitipšoo pälkkátmân Kärigâsnjaargâ kuávlun.
- 3) Jis nuorttâlâškielâlij pargei tiileest šaddeh nubástusah, pyereestvaijeemkuávlun ráđádâl uđđâsist Sämitiggijn nuorttâlâškielâliid palvâlussâid väridum reesurs kevttimist nuuvt, ete reesurs ain monâččij nuorttâlâškielâliid palvâlussâid Čevetjäävri kuávlun.

**Sämikielâ stivrimjuávku
Äššilisto**

8§ Sämikielâ stivrimjuávhu čuákkimäigitavlu já čuákkimvuáhádâh

Sämikielâ stivrimjuávku 8 § 13.9.2022

lävtuttâs: Sämikielâ stivrimjuávku meerrid ive 2022 čuákkimäigitaavlust já stivrimjuávhu čuákkimvuáháduvâst.

9§ Eres ääših

10§ Čuákkim lopâtem